

स ह ह॒सो हिर॒ण्यो भू॒त्वा । स्व॒र्गं लो॒कमि॒याय ।
 आ॒दि॒त्यस्य॒ सायु॑ज्यम् । ह॒सो ह॒ वै हिर॒ण्यो भू॒त्वा ।
 स्व॒र्गं लो॒कमे॑ति । आ॒दि॒त्यस्य॒ सायु॑ज्यम् । य ए॒वं वेद॑ ।
 दे॒वभा॒गो ह॑ श्रौत॒र्षः । सा॒वि॒त्रं वि॒दाच्च॑कार । त॒ ह॒
 वाग॑दृश्य॒मानाभ्यु॑वाच ॥ ११ ॥

सर्व्वं॑ बत गौत॒मो वेद॑ । यः सा॒वि॒त्रं वेदे॑ति । स हो॒-
 वाच॑ । कैषा वाग॒सीति॑ । अ॒यम॒ह॒ सा॒वि॒त्रः । दे॒वा-
 ना॒मुत्त॑मो लो॒कः । गु॒ह्यं म॒हो वि॒भृदि॑ति । ए॒ताव॑ति
 ह॒ गौत॑मः । य॒ज्ञोप॒वीतं॑ कृ॒त्वाधो॑ निप॒पात॑ । नमो॒
 नम॑ इति ॥ १२ ॥

स हो॒वाच॑ । मा भै॒षीगा॑तम । जि॒तो वै ते॑ लो॒क
 इति॑ । तस्मा॒द्ये के च॑ सा॒वि॒त्रं वि॒दुः । सर्व्वं॑ ते जि॒त-
 लो॒काः । स यो ह॒ वै सा॒वि॒त्रस्या॒ष्टाक्ष॑रं प॒द॒ श्रि॒या-
 भि॒षिक्तं॑ वेद॑ । श्रि॒या है॒वाभि॑षिच्यते । घृ॒णिरि॑ति द्वे
 अ॒क्षरे॑ । सूर्य्य॑ इति ची॒णि । आ॒दि॒त्य इति॑ ची॒णि ॥
 ॥ १३ ॥

एत॒द्वै सा॒वि॒त्रस्या॒ष्टाक्ष॑रं प॒द॒ श्रि॒याभि॑षिक्तम् ।
 य ए॒वं वेद॑ । श्रि॒या है॒वाभि॑षिच्यते । तदे॒तद॒वाभ्यु॑क्तम् ।
 ऋ॒चो अ॒क्षरे॑ पर॒मे व्यो॑मन् । यस्मि॑न्दे॒वा अ॒धि वि॒श्वे